

صاحبزادی: احمد تاج الدین
و یعقوب کمال

واعتصموا بحبل الله جميعا ولا تفرقوا . . .

مدیر مسئولی
عبدال جودى

محل اداره :

استانبول : پایتخت
چادر جیلده

اخطار مخصوص :
عالم اسلام و اسلامیت
عائد مقالات و آثار
مع المعنویہ درج
اولئہ جقدر .

نسخہ سی ۴۰ بارہ

تغافل مسلمانان

۱ ۳ ۲ ۸

و جعلناکم شعوبا و قبائل لتعارفوا . . .

دینی سیاسی تاریخی فلسفی و احوال عالم اسلام مدبرہ باعث هفته لومہ مجلد در

تاریخ تأسیس ۳۲۸ مولد النبی

آبونه بدلی

مالک عثمانیہ ایچون
سنہ لکی ۵۰ غروش
آئی آبلغی ۲۵ غروش

روسبہ ایچون سنہ لکی
آئی آبلغی ۴ روبلہ
مالک اجنبیہ
سنہ لکی ۱۲ آئی آبلغی
۶ فرانقادر .

وظیفہ لریٹک قیمتہنی تقدیر ایتلی ، ملتہ بو خصوصہ حتمیہ
رہبراک ایتہ لیدر !

ترویسیکی لی احمد تاج الدین

سوریہ احوالی حتمہ

— ۱ —

ہوندن مقدم (سوریہ احوالہ برنظیر) سرلوحہ سیلہ
بر مقالہ یازمشمدم . اومقالہ مدہ سوریہ حتمہ سرد مطالعات
ایلمش ایسہ مدہ ، بوقطعہ مک ولایات سائرہ عثمانیہ میانندہ اک
اہمیتایسی اولسی ومطالعاتک توسیمی ایلہ بر آزدها طرافلیجہ
یازمغنی مناسب کوردم . . .

بوقطعہ مک ساکناری عربار اولدینی وبختمزده اولنارہ
واونارک ساکن اولدقاری قطعہ عائد اولدینی ایچون قلمی
ایلمہ آمازدن اول فکرم ، بحر بی پایان تفکرک تا اعماقندہ الدی !
چونکہ ، بر ملتک حالت روحیہ سندن بحث ایتک ، احوال
اجتماعیہ ، اقتصادی ، سیاسیہ سی حتمہ بیان افکار ایتک
ظن ایدرسم اوقدر قولای بر مسئلہ دکلدنر ! بوکون
اک مشکل برشی وارسہ اودہ ملتک احوال روحیہ سندن
کسب ووقوفدر . بوسیدن طوی ، سرد ایدہ جک اولدینم فکرلرک
شائبہ خطادن معصون اولدقاری ادعا ایدہم . . . باخصوص
بویلہ نازک بر مسئلہ دہ انسان خطادہ بولنمیلیر . ایستہ وقوع
بولہ جق او خطالرمک ارباب وقوف طرفندن توضیح اولنمسی
رجاونیاز ایلد کدنصرکرم موضوع مقالہ اولان (سوریہ احوالی
حتمہ) سرد مطالعات واستطلاعات مخصوصہ نی پیش انظار
قارئین وقارئاتہ وضع ایلیورم .

سوریہ مک احوال طبیعیہ سی :

دست فیاض قدرت بوقطعہ غرابی ، جاوہ کاه طبیعت اولمق
اوزرہ خلق بیورمش ، اولدربا (لبنان) و (اتی لبنان)
سلسلہ جبالی ، اوفر حفرا مناظر طبیعیہ نی ، اوزنکین
اراضی خالیہ نی ، والحاصل طبیعتک حاوی اولدینی بتون
حسناتی بوقطعہ بر ضمیمہ اولمق اوزرہ بخش واحسان
ایلمش ! . . . اجابندہ سوریہ نی ، مستملکات و مستعمرات
تاریخہ ضم ایتک فکری ایچہ بر زماندن بری اویاغش ایسہ دہ

ہونک قابل اولامیہ جغنی کورملری اوزرینہ سوریہ مک
قابلیت اقتصادی سندن استفاده ایتک بوللری آراغہ بوقطعہ
غرائک ہر بر طرفندہ مکتبہر آچغہ قابلیت اقتصادی وسیا .
سیہ سندن استفاده ایتک باشلامشلدن . اجانبک سوریہ اولان
نظزلری بوقطعہ مک قابلیات طبیعیہ سی کوسترمک ایچون پک
کوزل بردیلیدر . ایستہ سوریہ ہر جہتجہ پک مکمل وشایان
استفادہ بر قطعہ در .

سوریہ اہالی اسلامیی سی :

سوریہ اہالیسی باشلیجہ مسلمان وخرستیان اولوب
(درزیر) و (نصیریر) دخی بولنمقدہ درلر . باخصوص
شامک غرب جہتندہ کائن (جبل دروز) دہ کلیتی درزی
موجوددر . سوریہ مسلمانلری فعالیت وغیرتک برر تمثال
مجسمیدرلر . . . علی الخصوص مشروطیت عثمانیہ مک اعلاندن
بری اوفعالیتلری تضاعف ایتمش و بو صورتہ کندیلری
استیلا ایدن سترہ جہالتی یواش یواش رفع ایتک باشلامشلدن .
بوقطعہ مدہ ملتک رفاه وسعدتی تأمین وحیات مستقبہ بشریہ نی
کافل اولان مکتبہر یواش یواش آچیلغہ باشلامش ایسہ دہ
اسلامک احتیاجات حاضرہ سی تأمین ایدہ میورلر . بوسیدن
یئہ اولان اسلام اجانبک بر مقصد سیاسیہ دینہ واقصدایی
اوزرینہ تأسیس ایتدکاری مکتبہر (یعنی دوزاقرہ !)
مراجعت ایتک مجبور ومضطرب قالیورلر . . . بن سوریہ
مسلمانلری سائر ممالک اسلامیہ اہالیسنہ قیاساً سویلیورم .
یوقسہ ترقی واجتہادلری اوروپالیرہ ویاخود سائر ممالک
اہالیسنہ قیاس ایتیمورم . چونکہ : اولنارہ قیاساً سوریہ
مسلمانلری صولده صغر قالیرلر ! . . . ممالک اسلامیہ مک
ہر نہ طرفنہ کیدہ جک اولسہ کز نفاق ، تفرقہ ، وفساد
اخلاقہ تصادف ایتک پک محتمل ایسہ دہ بومرض مہلک
سوریہ اسلاملرنہ یوق کبیدر . . . بین الاسلام اتحاد وتعاون
ایچہ اساسکیر اولمشدر . تجارت جہتیلہ دہ اسلاملر ایچہ ترقی
ایتمشلدن . اولدہ کی مأموریہ اولان میللری شمدی تجارتہ
منقلب اولمشدر . زمان استبداددہ ہرکس بر مأمور اولمق ،
دائرہ حکومتدن بریر اشغال ایتک ایچون چالیشرلر ایکن شمدی
ہر کسدہ تجارتہ ، صناعتہ سلوک ایدیورلر کہ : بوترقی وتعالینک
اک بیوک بردیلیدر . . . باخصوص بویکی اوج سنہ طرفندہ

اسلاملار دن اوروپایه تجارت، صناعت، زراعت الخ ایچون برچوق طلبه کیندی. بونلر اکیمل تحصیلدن صکره ووطنلرینه بوندت ایدمک ووطن آنلردن بک چوق استفاده ایدمک چکدر بن قوباً امید ایدمک بونلر عرب کیدوب عرب له چکدر، مسلمان کیدوب مسلمان عودت ایدمک چکدر. مالبوکه بعض اوروپایه کوندر بلان طلبه لریمز ترک کیدوب ترانمز ویاخود آناوود کیدوب آلمان اوله رق عودت ایدیورلرکه بونلردن وطن استفاده ایدمک چکی برده بالعکس برچوق ضرر و زیانلره اوغریور...

زراعت کلچمه: حما، حص، شام، وحلب حوالیسنده زراعت کاملاً اسلاملرک النده دینیه بیلیر، فقط مع الناسف اصول زراعت ده باحوالییه قدمهاد اولماشدر. بک اسکي اصول! متصرفلر میانشده قدرت وفعالیتیه بر موقع بلند اشغال ایدن حما متصرفی ناظم بک افندی حماده برزراعت مکتبی آجش اوروپاینده برچوق آلات رادوات زراعیه جلب ایتش... ایشته بو زراعتک او حوالیده ترقی ایدمک بونلر... صنعت جهتیله ده مسلمانلر اچه ترقی ایتشدر. ایشته شمعی الله ایچون سولنه چک اولورسه مسلمانلر حقیقتاً سوریه شایان استحقان برجدیت وفعالیت کوستریورلر.

سوریه عرب ترک مشرعی :

ایچه بروقتن بری ترکله عربلر بیننده برمنافرتک ظهورنی جرائد یومیه واسبعیه ده او قوردم بونی عربلر و ترکلر ایی بیلیملرکه : نه عربلر ترکمز، نه ده ترکلر عربمز، بشام بیلیر... بز مسلمانلر پر بوننده آنجق اتحاد سایه سنده ادامه حیات ایدمیلر. عربلرله ترکلرک بیننده (بازیاب و سولندیک قدر) برمنافرت اولیوب یالکیز رسو، تفهیم وجودینه احمال ویره بیلیم. یوقسه ترکلر عربلرله حرمت ایدرلر. و عربلرله ترکلری سورلر. هر نه قدر عصیت قومیه وار ایسه ده متدین بولدیقمز دین جایل اسلام برلری بر نقطه ده توحید ایدیور، (لااله الا الله محمد رسول الله) دیورلر... موجودینه احمال ویردیکم سو، تفهیم ایسه، بعض دنی آدملرک اغراض و منافع شخصلرینک حصولی ایچون بواکی قوم نجیب آرمسنه آنقدری بعض پالان

یا کلش شیلردن عبارتدر. بافکیز بوکا بر مثال کوسترهیم : کچن سنه ارتکابی تحق ایدن مأمورین قدیمه عربدن بریسو داخلیه نظارتنه مراجهتله کندبسنک بر محله تعینی استرحام ایدرسده کندبسنی نظارتجه معلوم اولدیغندن... طلبی اسعف اولماز... فتنه و فحشور ایله متخلاق اولان بوشخص دنانت آلود، سوریه به عودتنده زوالی اهالی به دیرکه :

« داخلیه نظارتنده مأمورینک اسامیلرینک یان باشنه (ع) حرفی یازیلی... بنم اسمی سؤال ایتدکاری وقت دقتده اسمک یاننده (ع) حرفی کورور کورمن (سکامأموریت یوق) دیدیلر. حین سؤالده (سن عربسک عربلره بوندن صکره مأموریت ویرلیه چکدر) دیدیلر. ایشته ترکلری کورریورسکیزیا! بونلر بویله آدملردر. عربلری سومزلر... »

کورریورسکیزیا؟ فساد و نفاق نصل و نه صورتله حصوله کیدور! طبیعی حکایه بی اهالی جاعل اولمی حسیله صحیح الوقوع اوله رق قبول ایدیورلر و ترکلره قارشو بر سو محبت حاصل اولیور. ایشته اصل منبع فساد، یالکیز منفعت شخصیه می ایچون ایکی قوم نجیب آرمسنه تفرقه دوشورمک چالیشان بوکی دنی، رزبل آدملردر. یوقسه عربلر ترکلری، و ترکلرله عربلری سورلر. چونکه دین قرداشلریدر. (المؤمنون اخوة) قانونک اسلاملر بیننده باخصوص شوزمانلرده جایکیر اولمی لازم کایرکن بویله اوزل عباد اولان گروه هرکله دن بر قاج ذات لیم طرفندن عقیم قالمی بیوک بیوک تأسفله تاق اولسنه کرکدر... آرتق بوندن صکره عرب قرداشلریمز بویله آدملرک صاحبه صلیان سوزلرینی سمع و اعتبارله المیه رق ترکله عربلر ال اله و یروب بیوک اتحاد حاصل ایتلی. ایشته بوسورتله بشامیه بیلیرسه بشانیایر. یوقسه بر طاق سو تفهیم، بر طاق تفرقه لره دوچار اولورسه قطن ایدرسیم نبعجه بک وخیمدر... چونکه اتحاد قوت تفرقه ایسه عفو و انقراضدر. سامی زاده

ثریا

مدیر مسئول : عثمان جودی

نجم استقبال مطبعه می